

**Ўзбекистон Республикаси Вазирлар Маҳкамаси ҳузуридаги
Агросаноат мажмуи устидан назорат қилиш инспекцияси ва унинг ҳудудий
бўлинмаларининг коррупцияга оид ҳаракатлар тўғрисида ахборот бериш
учун алоқа каналлари орқали келиб тушган хабарларни
қабул қилиш ва қайта ишлаш
РЕГЛАМЕНТИ**

1-боб. Умумий қоидалар

1. Мазкур Регламент коррупцияга қарши курашиш, манфаатлар тўқнашувини аниқлаш ва тегишли таъсир чораларини кўришга қаратилган чора-тадбирларнинг самарадорлигини ошириш мақсадида ишлаб чиқилган.

2. Мазкур Регламент коррупцияга оид ҳаракатлар ҳақида ахборот бериш учун алоқа каналлари ишлашининг асосий тамойилларини, шунингдек, хабарларни қабул қилиш, уларни рўйхатдан ўтказиш ва келиб тушган хабарларга муносабат билдириш тартибини белгилайди.

3. Мазкур Регламентда қуйидаги асосий тушунчалар қўлланилади:

мурожаатчи - коррупцияга оид ҳаракатлар тўғрисида ахборот бериш учун алоқа каналлари орқали Инспекция ва унинг ҳудудий бўлинмаларига мурожаат қилаётган ҳар қандай жисмоний ва (ёки) юридик шахс, жумладан, Инспекция ва унинг ҳудудий бўлинмалари ходимлари;

Call-center – Инспекциянинг ишонч телефониغا келиб тушаётган мурожаатларни марказлаштирилган ҳолда қабул қилиш, тўплаш, таснифлаш ва тизимлаштириш, шунингдек, уларни тўлиқ, ўз вақтида ва сифатли кўриб чиқилишини мониторинг қилиш имконини берувчи тизим;

манфаатлар тўқнашуви - шахсий (бевосита ёки билвосита) манфаатдорлик Инспекция ва унинг ҳудудий бўлинмаларида ходимининг мансаб ёки хизмат мажбуриятларини лозим даражада бажаришига таъсир кўрсатаётган ёхуд таъсир кўрсатиши мумкин бўлган ҳамда шахсий манфаатдорлик билан Инспекция ва унинг ҳудудий бўлинмаларининг ҳуқуқлари ва қонуний манфаатлари ўртасида қарама-қаршилик юзага келаётган ёки юзага келиши мумкин бўлган вазият;

коррупция - шахснинг ўз мансаб ёки хизмат мавқеидан шахсий манфаатларини ёхуд ўзга шахсларнинг манфаатларини кўзлаб моддий ёки номоддий наф олиш мақсадида қонунга хилоф равишда фойдаланиши, худди шунингдек бундай нафни қонунга хилоф равишда тақдим этиш;

коррупцияга оид ҳаракатлар - ходим томонидан пора берувчининг манфаатларини кўзлаб ҳаракат ёки ҳаракатсизлиги учун бевосита ёки билвосита, шахсан ёки учинчи шахслар орқали порани яъни пул, қимматбаҳо қоғозлар, бошқа мол-мулкни, мулкий тусдаги хизматларни, бошқа мулкий ҳуқуқларни олиш, талаб

қилиш, таклиф қилиш, ваъда қилиш ва бериш, шунингдек, пора бериш ва (ёки) олишда воситачилик қилиш, расмиятчиликларни соддалаштириш учун тўловларни олиш, ходим томонидан пора олиш ёки ҳуқуққа хилоф бошқа мақсадларда ўз хизмат мавқеидан ноқонуний фойдаланиш;

коррупцияга оид ҳуқуқбузарлик - коррупция аломатларига эга бўлган, содир этилганлиги учун Ўзбекистон Республикаси қонун ҳужжатларида жавобгарлик назарда тутилган қилмиш;

коррупциявий хавф-хатар - Инспекция ва унинг ҳудудий бўлинмалари ходимлари ёки учинчи шахслар томонидан Инспекция ва унинг ҳудудий бўлинмалари номидан ва (ёки) уларнинг манфаатларини кўзлаб коррупциявий ҳатти-ҳаракатларни содир этиш эҳтимоли ва хавфи;

ходимнинг шахсий манфаатдорлиги - Инспекция ва унинг ҳудудий бўлинмалари ходими томонидан ўз хизмат вазифаларини бажариш чоғида унинг яқин қариндоши ёки ходимга алоқадор бўлган шахслар томонидан ходимнинг мансаб ёки хизмат мажбуриятларини лозим даражада бажаришига таъсир қилиши мумкин бўлган пул маблағлари, моддий ёки номоддий қимматликлар, бошқа мол-мулк, бойлик ва имтиёзлар кўринишида шахсий наф олиш имконияти (шахсий, ижтимоий, молиявий, сиёсий ва бошқа тижорат ёки нотижорат манфаатлари);

ходим - Инспекция ва унинг ҳудудий бўлинмалари билан меҳнат муносабатларига киришган шахс;

релевант хабар - коррупцияга оид ҳаракатлар ва (ёки) манфаатлар тўқнашуви ҳақидаги ахборотдан иборат бўлган хабар.

4. Инспекция коррупцияга оид ҳаракатлар ҳақида ахборот бериш учун алоқа каналларининг ишини қуйидаги тамойиллар асосида ташкил этади:

фуқароларнинг ҳуқуқ ва эркинликларини ҳимоя қилиш – Инспекция жисмоний ва юридик шахсларнинг ҳуқуқлари, эркинликлари ва қонуний манфаатларини тан олади ҳамда ҳимоя қилади;

конфиденциаллик ва хавфсизлик - алоқа каналларидаги хабарлардан фойдаланишга рухсат берилган Инспекция ва унинг ҳудудий бўлинмаларининг барча ваколатли шахслари ушбу хабарларни ваколатга эга бўлмаган шахсларга бериш (ошкор қилиш)га ҳақли эмас. Бунда, агар мурожаатчи ўз хабарининг юборганлиги фактини бошқа ходимларга ёки учинчи шахсларга ўз хохишига кўра, жумладан, эҳтиётсизлиги натижасида ошкор қилган бўлса, Инспекция ва унинг ҳудудий бўлинмалари унинг махфийлигини таъминлаш бўйича жавобгар бўлмайди;

қонунийлик - Инспекциянинг алоқа каналларига келиб тушаётган хабарларни қабул қилиш, рўйхатга олиш, қайта ишлаш ва кўриб чиқиш қатъий равишда Ўзбекистон Республикаси қонунчилиги талабларига мувофиқ амалга оширилади;

келиб тушган барча хабарларни ўрганиш – Инспекция Ўзбекистон Республикаси қонунчилигида назарда тутилган ҳоллардан ташқари барча олинган

хабарларни тўлиқ (имкони борича), ҳар томонлама, холис ва ўз вақтида кўриб чиқилишига кафолат беради; ³

мурожаатчининг таъқиб қилинмаслиги - алоқа каналлари орқали эҳтимоли бўлган ҳуқуқбузарликлар ҳақида ўз хошишига кўра хабар берган Инспекция ва унинг ҳудудий бўлинмаларининг ходими хабарнинг мазмунидан қатъий назар бирон-бир жавобгарликка тортилиши мумкин эмас;

мурожаатчи билан мажбурий қайта алоқа - агар хабар аноним бўлмаса, уни кўриб чиқиш натижалари Инспекциянинг ваколат берилган ходими томонидан мурожаатчига етказилиши лозим;

таъсир чораларини қўллашнинг мажбурийлиги - коррупция факти тасдиқланган тақдирда Инспекция айбдор шахсларни жавобгарликка тортиш учун Ўзбекистон Республикасининг қонунчилигига мувофиқ ҳаракат қилади.

2-боб. Коррупцияга оид ҳаракатлар ҳақида ахборот бериш учун алоқа каналлари

5. Хабар қуйидаги алоқа каналлари орқали юборилиши мумкин:

ишонч телефон рақами орқали;

Telegram-каналли (Махсус бот: <https://t.me/uzagroinbot>);

Инспекцияга шахсан мурожаат қилиш;

Инспекциянинг расмий веб-сайтига ёки электрон почтаси;

Инспекция ва унинг ҳудудий бўлинмалари ходимлари ва улар девонхонаси телефон рақами;

раҳбар ёки бевосита ҳуқуқни муҳофаза қилувчи органлар (фақат Инспекция ва унинг ҳудудий бўлинмалари ходимлари учун);

мазкур Регламентда кўрсатилмаган бошқа алоқа каналлари.

6. Келиб тушган барча хабарларни ўрганиш мазкур Регламентда назарда тутилган ҳоллардан ташқари қабул қилиниши, рўйхатдан ўтказилиши ва кўриб чиқилиши лозим.

7. Коррупцияга оид ҳаракатлар ҳақида хабар келиб тушганда алоқа каналларида хабарларни қабул қилаётган Инспекциянинг ваколатли ходими:

мурожаатчига махсус бот: <https://t.me/uzagroinbot> Telegram-каналига мурожаат қилишни таклиф қилиши;

Инспекция ва унинг ҳудудий бўлинмалари келиб тушган хабарга жавоб бериш учун мурожаатчи билан боғлана олмасликлари ҳақида маълум қилиши;

Инспекция ва унинг ҳудудий бўлинмалари кўшимча зарур маълумот олиш имконияти мавжуд эмаслиги сабабли хабарни тўлиқ ва ҳар томонлама ўргана олмасликларини билдириши;

Мурожаатчи ўз арзидан воз кечганида - мазкур Регламентда назарда тутилган тартибда хабарни қабул қилиши шарт.

8. Инспекциянинг алоҳида ишонч тармоқ/телефонлари орқали келиб тушган Инспекция тизимидаги коррупцияга оид хабар қабул қилинганда, бундай

хабарни қабул қилган ходим уни бир кунлик муддатда Инспекция тизимида коррупцияга қарши курашишга масъул бўлинмага кўриб чиқиш учун тақдим этиши лозим. Бундай хабар ҳақидаги ахборот Инспекция тизимида коррупцияга қарши курашиш бўлимнинг ходими томонидан 1-иловага мувофиқ шаклда Коррупцияга оид ҳаракатлар ҳақидаги хабарларни қабул қилиш реестрида бир соат ичида рўйхатга олинади.

3-боб. Алоқа каналлари орқали келиб тушадиган хабарларни қабул қилиш ва рўйхатга олиш

9. Коррупцияга оид ҳаракатлар ҳақидаги хабарларни қабул қилаётган ходим мурожаатчидан қуйидаги маълумотларни имкони борича аниқлаштириши лозим:

Инспекция ва унинг ҳудудий бўлинмалари ҳамда унинг таркибий тузилмаси ҳақида;

хукукбузарлик содир этилган, содир этилаётган ёки содир этилиши мумкин бўлган вақтинчалик давр ва унинг мунтазамлиги (такрорланувчи, бир марталик);

хукукбузарликнинг қисқача тавсифи (жумладан, маълумотлар, аниқ муҳим фактлар ва ҳолатлар, аҳамиятга молик ўхшашликлар, эҳтимоли бўлган сабаблар);

гумонланувчи ва (ёки) дахлдор бўлган шахсларнинг лавозими ва Ф.И.О.;

хукукбузарлик ҳақида билиши ва уни тасдиқлаши ва (ёки) хабар қилинаётган ахборотни тўлдириши мумкин бўлган Инспекция ва унинг ҳудудий бўлинмалари ходимларининг лавозими ва Ф.И.О.;

муурожаатчининг Ф.И.О. ва алоқа маълумотлари (ўзи истаганда қайта алоқага чиқиш учун).

4-боб. “Ишонч телефони” орқали келиб тушган хабарларни қабул қилиш ва рўйхатга олиш

10. “Ишонч телефони” рақами орқали келиб тушган хабарларни қабул қилиш ва қайта ишлаш тартиби Инспекция бошлиғининг буйруғи билан белгиланган тартибда амалга оширилади.

11. Агар “Ишонч телефони” орқали мурожаат қилган шахс ўз хабарини тасдиқлаш учун қўшимча материалларга, масалан, фотоматериаллар, ҳужжатлар, аудио ва видеоёзувларга эга бўлса, унда оператор уларни тақдим этиш бўйича фойдаланиладиган алоқа каналлари (<https://t.me/uzagroinbot> Telegram-канали ёки электрон почта)ни кўрсатади ва тақдим этилаётган ахборотнинг конфиденциаллигини билдиради.

12. Агар хабар релевант бўлса, оператор ижро тизимида мурожаатнинг тегишли тоифасини кўрсатади ва келиб тушган мурожаатни тезкорлик билан таҳлил қилиш ва кўриб чиқиш учун ижрочи сифатида Инспекция тизимида коррупцияга қарши курашишга масъул бўлинмани танлайди.

13. Инспекция тизимида коррупцияга қарши курашишга масъул бўлинманинг

ходими ижро тизимида вазифа олганидан кейин бир соат ичида хабарни Реестрда рўйхатга олиши керак.

5

5-боб. Telegram-канални орқали олинган хабарларни қабул қилиш ва рўйхатга олиш

14. Хабар Инспекциянинг қайси тизимида тегишли бўлишидан қатъи назар, <https://t.me/uzagroinbot> Telegram-канални коррупцияга оид ҳаракатлар ҳақида ахборот бериш учун умумий алоқа канали бўлиб ҳисобланади.

15. Инспекциянинг Telegram-канални орқали келиб тушаётган хабарларни қабул қилиш учун Инспекция тизимида коррупцияга қарши курашишга масъул бўлинмадан масъул ходим тайинланади. Масъул ходим келиб тушаётган хабарларни душанбадан жумагача соат 09:00дан 18:00га қадар қабул қилади. Агар хабар иш вақтидан ташқари пайтда келиб тушса, бу хабар навбатдаги иш кунида масъул ходим томонидан рўйхатга олинishi учун сақланади.

16. Агар мурожаатчи ўз хабарларини тасдиқловчи ҳужжатлар (аудио ва видеоёзувлар, фотосуратлар ва бошқалар)га эга бўлса, уларни Telegramдаги хабарига қўшиб қўйishi мумкин.

17. <https://t.me/uzagroinbot> Telegram-канални коррупция каналига Инспекция ва унинг ҳудудий бўлинмалари ходимлари томонидан коррупцияга оид хатти-ҳаракатлар тўғрисидаги хабар келиб тушганда Инспекция тизимида коррупцияга қарши курашишга масъул бўлинманинг масъул ходими мурожаатчи билан электрон ёзишма йўли билан ёки телефонда бир соат ичида зарур ахборотни аниқлаштиради ва хабарни Реестрда рўйхатга олади.

6-боб. Шахсий (оғзаки) тартибда олинган хабарларни қабул қилиш ва рўйхатга олиш

18. Мурожаатчиларнинг коррупцияга оид ҳаракатлар ҳақида маълумотдан иборат бўлган хабарлари Инспекция ва унинг ҳудудий бўлинмалари ходимлари томонидан шахсан (оғзаки) қабул қилиниши мумкин.

19. Релевант хабар келиб тушганда хабарларни қабул қилаётган ходим уни қабул қилиши ва бир соат ичида хизмат хатини тайёрлаши ҳамда унда қуйидагиларни кўрсатиши лозим:

муурожаатчининг Ф.И.О.;

электрон почта ва қайта алоқа учун телефон;

хабар матни;

заруратга кўра илова қилинадиган қўшимча материаллар.

20. Хизмат хати электрон почта орқали Инспекция тизимида коррупцияга қарши курашишга масъул бўлинмага юборилиши лозим.

Кўсатилган алоқага чиқишга оид маълумотлар бўйича мурожаатчи билан такроран мулоқот қилиш чораларини кўриши керак.

22. Инспекция тизимида коррупцияга қарши курашишга масъул

бўлинманинг ходими хабарни қабул қилиб олган ходимдан хабарни олганидан кейин бир соат ичида уни Реестрда рўйхатга олиши лозим.

7-боб. Инспекциянинг расмий веб-сайтига жойлаштирилган шакл ва электрон почта орқали олинган мурожаатларни қабул қилиш ва рўйхатга олиш

23. Инспекциянинг расмий веб-сайтига жойлаштирилган шакл ва электрон почтаси орқали келиб тушаётган релевант хабарларни қабул қилиш Инспекциянинг Жамоатчилик билан алоқалар ва ҳуқуқий-ахборот бўлими томонидан амалга оширилади.

24. Инспекциянинг расмий веб-сайтига жойлаштирилган шакл ва электрон почтаси орқали релевант хабар келиб тушганда Жамоатчилик билан алоқалар ва ҳуқуқий-ахборот бўлимининг масъул ходими бир соат ичида уни Инспекция тизимида коррупцияга қарши курашишга масъул бўлинмага утказиб юбориши керак.

25. Инспекция тизимида коррупцияга қарши курашиш бўлимининг ходими Инспекциянинг Жамоатчилик билан алоқалар ва ҳуқуқий-ахборот бўлиmidан хабарни олганидан кейин уни Реестрда рўйхатга олиши лозим.

8-боб. Ўзбекистон Республикаси Президентининг Виртуал қабулхонаси орқали олинган мурожаатларни қабул қилиш ва рўйхатга олиш

26. Ўзбекистон Республикаси Президентининг Виртуал қабулхонаси орқали релевант хабар келиб тушганда Инспекциянинг Ташкилий-назорат ва таҳлил бошқармаси масъул ходими олинган маълумотларни ижро электрон тизимида рўйхатга олиш учун киритади.

27. Агар хабар релевант бўлса, оператор 30 дақиқа ичида ижро тизимида мурожаатнинг тегишли тоифасини кўрсатади ва ижрочи сифатида Инспекция тизимида коррупцияга қарши курашиш бўлимини белгилайди.

28. Инспекция тизимида коррупцияга қарши курашиш бўлимининг ходими ижро тизимида топшириқ олганидан сўнг хабарни мазкур Регламентга 1-иловага мувофиқ шаклдаги Коррупцияга қарши ҳаракатлар ҳақидаги хабарларни қабул қилиш реестрда рўйхатга олиши лозим.

9-боб. Инспекция ходимлари ва девонхонанинг телефони орқали келиб тушган хабарларни қабул қилиш ва рўйхатга олиш

29. Мурожаатчиларнинг коррупцияга оид ҳаракатлар ҳақидаги хабарлари Инспекция ходимлари томонидан иш телефони, шунингдек, девонхонанинг телефони орқали ҳам қабул қилиниши мумкин.

30. Инспекция ходими ёки девонхонага кўнғироқ қилинганда ходим мурожаатчининг хабарини қабул қилиши ва ундан қуйидаги маълумотларни олиши керак:

муурожаатчининг Ф.И.О.;

қайта алоқа учун электрон почта ёки телефон;
хабар матнининг ўзини белгилаб олиши;
заруратга кўра қўшимча илова қилинадиган материаллар.

31. Инспекция ходими хабарни қабул қилиб олган пайдан бошлаб 30 дақиқа ичида мазкур Регламентнинг 30-бандида санаб ўтилган маълумотларни кўрсатиб хизмат хатини тайёрлайди ва олинган маълумотни Инспекция тизимида коррупцияга қарши курашишга масъул бўлинмага ўтказди.

32. Агар хабарда зарур ахборот тўлиқ бўлмаса, Инспекция тизимида коррупцияга қарши курашишга масъул бўлинманинг масъул ходими бир соат ичида боғланиш учун кўрсатилган маълумотлар бўйича мурожаатчи билан такроран мулоқот қилиш чораларини кўриши керак.

33. Инспекция тизимида коррупцияга қарши курашишга масъул бўлинманинг ходими хабарни қабул қилиб олган ходимдан хабарни олганидан кейин бир соат ичида уни Реестрда рўйхатга олиши лозим.

10-боб. Ходимнинг раҳбарига келиб тушган хабарларни қабул қилиш ва рўйхатга олиш

34. Инспекция ва унинг ҳудудий бўлинмалари ходимлари бошқа тизим ходимларининг ўзларига маълум бўлган коррупцияга оид ҳаракатлари ҳақида ўзининг бевосита раҳбарига ёки Инспекция тизимида коррупцияга қарши курашишга масъул бўлинмага хабар беришлари мумкин.

35. Ўзига бўйсунувчи ходимдан релевант хабарни олган Инспекция таркибий бўлинма раҳбари хизмат хатини тайёрлаши ва унда қуйидагиларни кўрсатиши шарт:
ходимнинг Ф.И.О.;

Инспекция ва унинг ҳудудий бўлинмаси;
қайта алоқа учун электрон почта ёки телефон;
хабар матни;
заруратга кўра қўшимча илова қилинадиган материаллар.

36. Релевант хабарни қабул қилиб олган Инспекция таркибий бўлинмаси раҳбари бир иш куни ичида олинган маълумотни электрон почта орқали Инспекция тизимида коррупцияга қарши курашиш бўлимига юборади.

37. Агар хабарда зарур ахборот тўлиқ бўлмаса, Инспекция тизимида коррупцияга қарши курашиш бўлимининг масъул ходими бир соат ичида кўрсатилган алоқага чиқишга оид маълумотлар бўйича мурожаатчи билан такроран мулоқот қилиш чораларини кўриши керак.

38. Инспекция тизимида коррупцияга қарши курашиш бўлимининг ходими хабарни қабул қилиб олган ходимдан хабарни олганидан кейин бир соат ичида уни Реестрда рўйхатга олиши лозим.

11-боб. Коррупцияга оид ҳаракатлар ҳақидаги хабарларни кўриб чиқиш

39. Инспекция тизимида коррупцияга қарши курашишга масъул бўлинмага

келиб тушган барча хабарлар ушбу бўлимнинг ходимлари томонидан кўриб чиқилиши керак.

8

40. Хабар келиб тушганда Инспекция тизимида коррупцияга қарши курашиш бўлими ходими унинг релевантчилигини таҳлил қилади, яъни хабарда кўрсатилган маълумот коррупцияга оид ҳуқуқбузарликка ва (ёки) манфаатлар тўқнашувига тегишлилигини текширади.

41. Мазкур Регламентнинг 40-бандида назарда тутилган хабарни таҳлил қилиш натижаларидан қатъий назар, бу ҳақдаги ахборот Реестрга киритилади.

42. Агар Инспекция тизимида коррупцияга қарши курашиш бўлими ходими хабар релевант эмас деган хулосага келса, бу хабар бир соат ичида Инспекциянинг масъул бўлинмасига ўтказилиши лозим.

43. Агар хабарда коррупцияга оид ҳаракатлар ва (ёки) манфаатлар тўқнашуви ҳақида маълумот бўлмаса ҳамда хизмат текшируви ўтказиш учун етарли асослар бўлса, Инспекция тизимида коррупцияга қарши курашиш бўлими ходими ички идоравий ҳужжатда белгиланган тартибда хизмат текшируви ўтказиш ташаббуси билан чиқади.

44. Релевант хабарларни мазмунан кўриб чиқиш Инспекцияга келиб тушган кундан эътиборан 30 кун ичида, қўшимча ўрганиш ва (ёки) текшириш, қўшимча ҳужжатларни сўраб олиш талаб этилганда эса, Инспекция бошлиғининг розилиги билан узайтирилиши мумкин.

Релевант хабарларни кўриб чиқиш натижаларига кўра ўрганиш натижалари ва қўлланилган таъсир чоралари кўрсатилган жавоб хати тайёрланади ва мурожаат қилган шахсга юборилади (кўрсатилган алоқа маълумотлари бўйича ёзма ёки электрон шаклда).

45. Мурожаатга жавоб Инспекция тизимида коррупцияга қарши курашиш бўлими томонидан тайёрланади.

46. Telegram-канал орқали келиб тушган хабарга жавоб мурожаатчига электрон шаклда Telegram-канал ва (ёки) кўрсатилган алоқа маълумотлари орқали юборилади.

12-боб. Ҳисобот

47. Инспекция тизимида коррупцияга қарши курашишга масъул бўлинма доимий асосда (ҳар чоракда) кўриб чиқиш учун Инспекция бошлиғига, Инспекция Ҳайъатига тақдим этиладиган коррупция масалаларида келиб тушган хабарлар ҳақидаги ҳисоботларни, шу жумладан, ахборот бериш каналлари, хабарлар тури, тасдиқланган фактлар сони, кўрилган чоралар ва х.к.ни шакллантиради.

13-боб. Якунин қоидалар

48. Мурожаатчилар ва ходимлардан хабарларни мазкур Регламентга мувофиқ қабул қиладиган Инспекция ва унинг ҳудудий бўлинмаларининг ходимлари мазкур Регламент талабларига риоя этилиши учун шахсан жавобгар бўладилар.

49. Мазкур Регламентни бузганлик учун жавобгарлик чоралари Ўзбекистан Республикаси қонунчилиги ва Инспекциянинг ички ҳужжатларида белгиланган асослар ва тартибда қўлланилади.

Ўзбекистон Республикаси Вазирлар Маҳкамаси ҳузуридаги
Агросаноат мажмуи устидан назорат қилиш инспекциясининг
коррупцияга оид ҳаракатлар тугрисида ахборот бериш
учун алоқа каналлари орқали келиб тушган хабарларни
қабул қилиш ва қайта ишлаш регламентига
ИЛОВА

**Коррупцияга қарши ҳаракатлар ҳақидаги хабарларни қабул қилиш реестрининг
НАМУНАВИЙ ШАКЛИ**

Т/р	Хабар келиб тушган сана	Хабар келиб тушган канал	Мурожаатчининг Ф.И.О.	Боғланиш учун маълумотлар	Хабар тегишли бўлган Инспекция	Инспекция таркибий бўлинмаси	Тонфа*	Хабар мазмуни	Кўриб чиқиш натижаси**	Мурожаатчи билан қайта алоқага чиқиш (санаси ва формати)	Изоҳ

*1 – коррупцияга оид ҳуқуқбузарлик, 2 – манфаатлар тўқнашуви, 3 – релевант эмас.

**Агар кўрсмасдан қолдирилган бўлса, “кўрсмасдан қолдирилган” деб ёзиб қўйиш. Агар хизмат текшируви тайнланган бўлса, буйруқ рақами ва санасини кўрсатиш керак. Агар тегишли бўлинмага юборилган бўлса, бўлинмани кўрсатиш керак.

